

ina'a nua ihlaku

laihla ulima ari mataingalu malihluluhlua vulahlu, maru cacihli
mamaini maru hlipaiatuhluhla vulahluna paumamainiau, ma
hlipaumamainiisa mahlava mavacangu ucani pihlingi. marapihli kani'i
pihlingina, mupuhla ucani siasasangara. ma aisa cucuikatumahlana, maru
cacihli ahlaina kuariringingi tupuru naana, kuhlimicikiri
hlimalusapu mamainina.
ulavaisa kani'i siangusipiisana, marataisa malavalu malavalu, angahli
mairahlu cacihli cucu'u, marasasau cucu'u. marapihli siangusipi, marapihli
mamainiisa, patuturu kana'ana kirangahlu kirataisa kirakakua. ta'iaraisaka
siatakuangahlaisa taku'i'iaru. tarutuahlua kana'ana mutumuhlu takuliacu,
ma kani'i sitakualangulanguana, masuturu kana'ana manganu vahliciisa.
sihlanguna ia matukusu, salua kani'i hlaka arumukana marikakuan
sasaruana, kucuatutuhlungu hlipasalangulanguisa. ucaniika kuisau
kana'ana, miniki langulangu singusipa ia marapihli mamainisa maisukasicua
tukuisa. sitakualangulangu pasamiana kuisau, kani'i naani tumutaisa
tumangi, marahlivu'ua tukuisa, umariva mamainiisa, sapi hliulululuaisa
vulaihli, mutusua mukua sapiisa mamaini. marakucu aluliri ma macuisa

hlitakumiana murumita 'ahliacuvunguisa, hla ausi
hlimiatukusu hlikulucuhlaisa. kuavacangu siangusipiana, mara
mataingalu pahluamiaisa, kapasalivutu, marapihli siangusipiisa umuhliuhli
vahlituku, matumuhlua hlialanguisa.
arina miacacalivi, mamainina aramuamuaru arataisa, aramuamuarua
kana'ana arahlamama. mukakakuacu varu'u siangusipa, aravacangicua
siangusipiisa, mairahlu kuisau taku'i'iaru. musiria mamaininan aratingi
maituturuaisana, taratuahlu vukuisa marausau, mulumulumu mulululu, maru
mainia takuliacu tukuisa. atuhlungu hlicaliva ari, ma kani'i
langulangu hlicalivaisana, aucaucani hlikiramia tamuucu langulangu,
hlimulavau ucanii ia hlikiramimia. kani'i hlicaliva likihlina kucu
uangahlangahla murumita, kani'i hlitakulangulangu micalivicu,
hlimusiria 'ahliacuvungana ucaniika cucuaari, ma cucuari
uamia 'ahliacuvungana, saaihla usumanu sitakualangulangu, ta'iaraisaka
marahlivucua kana'ana. makatavahlihla makalupungu, pasamiana
kuapalupalu cucu'u, sapiisa kana'ana rianu hlicalivana, kana'ana ia inaku.

母親與我

十五日的月亮格外圓，新生兒的誕生給家庭帶來了極大的喜悅。

人群中，女人視線一刻也不離開孩子，她的生活發生了翻天覆地的變化，為了生活與孩子，她第一次打工，在磨難中學會了堅強，艱難的歲月總是無休止，赤裸裸地擺在面前，為了生活她到處籌錢，欠了不少債務。

隨着時間飄逝，孩子漸長，她漸老。跨進新世紀，生活富裕了，而她依舊不停地工作，一次次的艱辛已成為過去式，花開，花殘，歲月不饒人，她滿臉的滄桑，她就是我的母親。